

**Պրոգրես**

**Ժամկետային ավանդի տեղեկատվական ամփոփագիր**

թարմացվել է 01.08.2018թ.

Ավանդի ընդունման պայմաններն են՝

<b>Ավանդի արժույթ</b>	ՀՀ դրամ, ԱՄՆ դոլար, Եվրո
<b>Ավանդի տեսակ</b>	Առանց ավանդի գումարի ավելացման հնարավորության և մասնակի նվազեցման հնարավորությամբ
<b>Ավանդի նվազագույն գումար</b>	30,000 ՀՀ դրամ, 500 ԱՄՆ դոլար կամ Եվրո
<b>Ավանդի ժամկետ</b>	45 օր, 3 ամիս, 6 ամիս, 9 ամիս, 12 ամիս, 18 ամիս
<b>Տոկոսների վճարում</b>	Հաճախորդի ընտրությամբ՝ ժամկետի վերջում կամ յուրաքանչյուր ամիս
<b>Տոկոսների կապիտալացում</b>	Ավանդի գործողության ընթացքում հաշվարկված տոկոսները չեն հաշվեգրվում ավանդի մնացորդի վրա
<b>Ավանդի գումարի մասնակի ելքագրման առավելագույն չափ</b>	Ելքագրումների արդյունքում ավանդի գումարը չպետք է լինի պակաս, քան ավանդի նվազագույն գումարը

**Ավանդի տարեկան պարզ տոկոսադրույք**

Տոկոսների ժամկետի վերջում վճարման դեպքում						
Ավանդի արժույթ	Ավանդի ժամկետ					
	45 օր	3 ամիս	6 ամիս	9 ամիս	12 ամիս	18 ամիս
ՀՀ դրամ	4.5%	6%	7%	8%	9%	9.25%
ԱՄՆ դոլար	1%	1.5%	2.5%	3.5%	4.5%	4.75%
Եվրո	0.25%	0.75%	1.25%	1.5%	2%	2.25%

  

Տոկոսների ամսական վճարման դեպքում					
Ավանդի արժույթ	Ավանդի ժամկետ				
	3 ամիս	6 ամիս	9 ամիս	12 ամիս	18 ամիս
ՀՀ դրամ	5.5%	6.5%	7.5%	8.5%	8.75%
ԱՄՆ դոլար	1%	2%	3%	4%	4.25%
Եվրո	0.25%	0.75%	1%	1.5%	1.75%

50,000,000 ՀՀ դրամը, 100,000 ԱՄՆ դոլարը և 50,000 Եվրոն գերազանցող գումար ներդնելու դեպքում սահմանվում է պայմանագրային տոկոսադրույք:

Ամփոփագրում նշված պայմանները կարող են փոփոխվել  
 Հավելյալ տեղեկատվության համար կարող եք այցելել Բանկի <https://www.conversebank.am> ինտերնետային կայք, Բանկի Գլխավոր գրասենյակի Հաճախորդների սպասարկման գրասենյակ/ցանկացած մասնաճյուղ կամ զանգահարել (+374 10) 511 211 հեռախոսահամարով:

**Ավանդի գումարի մասնակի ելքագրումներ**

Ավանդի գործողության ընթացքում ավանդատուի կողմից կարող են կատարվել ավանդի գումարի մասնակի ելքագրումներ: Այդ դեպքում կատարվում է ելքագրման օրվա դրությամբ կուտակված և/կամ հաշվեգրված տոկոսագումարի վերահաշվարկ հետևյալ պայմաններով.

Ելքագրման օրվա դրությամբ ավանդի պայմանագրի կնքման ամսաթվից անցած ժամանակահատվածը	Որպես վերահաշվարկի տոկոսադրույք ընդունվող տոկոսադրույքը
Մինչև 45 օր ներառյալ	Բանկում ցպահանջ ավանդի համար սահմանված տոկոսադրույք՝ 0.1%
45 օրից ավել մինչև 3 ամիս ներառյալ	45 օր ժամկետով և համապատասխան արժույթով Պրոգրես ավանդի տոկոսադրույք
3 ամսից ավել մինչև 6 ամիս ներառյալ	3 ամիս ժամկետով և համապատասխան արժույթով Պրոգրես ավանդի տոկոսադրույք
6 ամսից ավել մինչև 9 ամիս ներառյալ	6 ամիս ժամկետով և համապատասխան արժույթով Պրոգրես ավանդի տոկոսադրույք
9 ամսից ավել մինչև 12 ամիս ներառյալ	9 ամիս ժամկետով և համապատասխան արժույթով Պրոգրես ավանդի տոկոսադրույք
12 ամսից ավել	12 ամիս ժամկետով և համապատասխան արժույթով Պրոգրես ավանդի տոկոսադրույք

**Հաշվարկման օրինակ**

Հետևյալ պայմանների դեպքում՝

Ավանդի սկզբնական գումար	1,000,000 ՀՀ դրամ
Ավանդի ներդրման օր	01/01/2017
Ավանդի ներդրման ժամկետ	12 ամիս (մինչև 01/01/2018)
Տարեկան տոկոսադրույք	9.5%
Տոկոսների վճարումը	Ժամկետի վերջում
Եկամտային հարկ	10% տոկոսային եկամտից

Ավանդի տոկոսագումարի հաշվարկը կատարվում է հետևյալ կերպ՝

**Մեկ օրվա տոկոսային եկամուտ՝**

$$1,000,000 \text{ (ներդրված գումար)} \times 9.5/100 \text{ (տարեկան տոկոսադրույք)} / 365 \text{ (տարվա օրերի քանակ)} = 260.27$$

**Տասներկու ամսվա ընդհանուր տոկոսային եկամուտ՝**

$$260.27 \times 364 \text{ (ավանդի ժամկետից նվազեցրած 2 օր՝ ավանդի ներդրման (01/01/2017) և վճարման (01/01/2018) օրերը)} = 94,738.28$$

**Տասներկու ամսվա զուտ տոկոսային եկամուտ՝**

$$94,738.28 - 9,473.83 \text{ (ընդհանուր տոկոսային եկամտի 10%-ը՝ եկամտային հարկով հարկման ենթակա գումար)} = 85,264.45 \text{ (ավանդատուին վճարման ենթակա գումար ավանդի ժամկետի վերջում)}$$

**Ուշադրություն**

**Հաշվեգրման ենթակա տոկոսներից գանձվում է եկամտային հարկ: ՀՀ տարածքում ներդրված ավանդների համար եկամտային հարկը կհաշվարկվի 10% դրույքաչափով, իսկ ԼՀՀ տարածքում՝ 5% դրույքաչափով:**

**Ավանդի տարեկան տոկոսային եկամտաբերության չափը**

Ձեր հաշվում առկա միջոցների նկատմամբ տոկոսագումարները հաշվարկվում են անվանական տոկոսադրույքի հիման վրա, իսկ տարեկան տոկոսային եկամտաբերությունը ցույց է տալիս, թե որքան եկամուտ կստանայիք դուք, եթե ավանդի դիմաց ստացված տոկոսագումարները վերաներդնեիք ավանդի տեսքով:

Ավանդի տարեկան տոկոսային եկամտաբերության չափի հաշվարկման համար հիմք է ընդունվում ՀՀ ԿԲ ««Բանկային ավանդների տարեկան տոկոսային եկամտաբերության հաշվարկումը» Կանոնակարգ 8/02»-ով սահմանված հետևյալ բանաձևը՝

$$APY = (1+r/n)^n - 1,$$

որտեղ՝

- APY - տարեկան տոկոսային եկամտաբերությունն է.
- r - տարեկան պարզ տոկոսադրույքն է.
- n - մեկ տարվա ընթացքում տոկոսագումարների կապիտալացման հաճախականությունն է:

Տարեկան տոկոսային եկամտաբերությունը տոկոսների ժամկետի վերջում վճարման դեպքում						
Ավանդի արժույթ	Ավանդի ժամկետ					
	45 օր	3 ամիս	6 ամիս	9 ամիս	12 ամիս	18 ամիս
ՀՀ դրամ	4.5%	6%	7%	8%	9%	9.25%
ԱՄՆ դոլար	1%	1.5%	2.5%	3.5%	4.5%	4.75%
Եվրո	0.25%	0.75%	1.25%	1.5%	2%	2.25%

Տարեկան տոկոսային եկամտաբերությունը տոկոսների ամսական վճարման դեպքում					
Ավանդի արժույթ	Ավանդի ժամկետ				
	3 ամիս	6 ամիս	9 ամիս	12 ամիս	18 ամիս
ՀՀ դրամ	5.64%	6.7%	7.76%	8.84%	9.11%
ԱՄՆ դոլար	1%	2.02%	3.04%	4.07%	4.33%
Եվրո	0.25%	0.75%	1%	1.51%	1.76%

**Ավանդի ընդունման ընդհանուր պայմանները**

1. Ավանդի ներդրումը հավաստվում է պայմանագրով:
2. Պայմանագրով որպես ավանդատու կարող են հանդիսանալ մեկից ավելի անձինք, այդ դեպքում պայմանագիրը ստորագրվում է բոլորի կողմից և ավանդի տնօրինումն ու օգտագործումը կատարվում է համատեղ սեփականության իրավունքով:

3. Եթե ավանդատու են հանդիսանում մեկից ավելի անձինք, ապա ավանդի գումարը կամ դրա մի մասը և նրա վրա հաշվարկված տոկոսները կարող են վճարվել կամ բոլորի պարտադիր ներկայությամբ կամ միայն որևէ մեկին՝ մյուսների կողմից ստորագրված և նոտարական կարգով վավերացված լիազորագրի հիման վրա:
4. Ավանդի գործողության ընթացքում ավանդային գումարի համալրում չի թույլատրվում:
5. Ավանդատուն իրավունք ունի ավանդը Բանկ ներդնել երրորդ անձի անունով՝ ՀՀ օրենսդրությամբ և Բանկի ներքին իրավական ակտերով սահմանված կարգով:
6. Ավանդը հնարավոր է ներդնել նաև առցանց (առանց երրորդ անձի օգտին ավանդի ներդրման հնարավորության)՝ Առցանց Բանկ համակարգի օգնությամբ <https://conversebank.am/hy/internet-banking/> :

### Տոկոսների հաշվարկման և վճարման կարգը

1. Ավանդի գումարի վրա տոկոսները հաշվարկվում են ավանդային հաշվի փաստացի մնացորդի նկատմամբ՝ ավանդը Բանկ մուտք լինելու հաջորդ օրվանից մինչև այն ավանդատուին վերադարձնելու կամ ավանդատուի հաշվից այլ հիմքերով դուրս գրելու օրվան նախորդող օրը:
2. Բանկը տոկոսների հաշվարկը կատարում է պարզ տոկոսադրույքով՝ որպես բաժանարար հիմք ընդունելով տարին 365 կամ 366 օր՝ նահանջ տարվա համար:
3. Տոկոսագումարը հաշվարկվում է օրական՝ հաշվին առկա մնացորդի նկատմամբ:
4. Ժամկետային ավանդը արտարժույթով ներդնելու դեպքում տոկոսագումարները ավանդատուին վճարվում են ՀՀ դրամով՝ վճարման օրվա դրությամբ Բանկի կողմից սահմանված համապատասխան արժույթի առքի փոխարժեքով, կամ ավանդատուի ցանկությամբ այն արտարժույթով, որով ներգրավվել է ավանդը:
5. Ավանդային պայմանագրով որոշված տոկոսադրույքի չափը ֆիզիկական անձ հանդիսացող հաճախորդների դեպքում Բանկը չի կարող միակողմանի նվազեցնել, իսկ իրավաբանական անձ հաճախորդների դեպքում կարող է փոփոխվել պայմանագրով սահմանված կարգով:
6. Ավանդի գումարի վրա հաշվարկված տոկոսները, որոնք ավանդատուն բանկային ավանդի պայմանագրում նշված ժամկետում չի ստացել, Բանկի կողմից վճարվում են ավանդատուի առաջին իսկ պահանջի դեպքում:
7. Ավանդի պայմանագրի գործողության ժամկետի ավարտից հետո, եթե ավանդատուն չի պահանջում վճարել ավանդի գումարը և հաշվարկված տոկոսները, ապա պայմանագիրը համարվում է երկարաձգված Բանկում այդ պահին գործող ցպահանջ ավանդի համար սահմանված պայմաններով:

### Լրացուցիչ տեղեկատվություն

1. Ժամկետային ավանդային հաշվի բացումը և սպասարկումն անվճար է:
2. Ավանդային պայմանագրի գործողության ավարտից հետո ավանդային հաշիվը փակվում է:
3. Ավանդատուի կողմից ավանդային հաշվով ընթացիկ բանկային գործառնություններ չեն կարող իրականացվել, բացառությամբ՝ Ավանդի ներգրավման, մարման և մասնակի ելքագրման գործառնությունների:
4. Ավանդի դիմաց հաշվարկված տոկոսները, ինչպես նաև ավանդային հաշվին մուտքագրված միջոցները ավանդատուին կանխիկ վճարելիս միջնորդավճար չի գանձվում:
5. Բանկ ներդրված ավանդի վերաբերյալ տեղեկատվությունը բանկային գաղտնիք է և Բանկը երաշխավորում է դրա գաղտնիությունը:

### Ավանդային պայմանագրի վաղաժամկետ լուծումը

1. Եթե ժամկետային ավանդը ավանդատուի պահանջով վերադարձվում է մինչև ժամկետի ավարտը, ապա ներկայացված դիմումի հիման վրա կատարվում է տոկոսների վերահաշվարկ՝ Բանկում այդ պահին գործող ցպահանջ ավանդի համար սահմանված տոկոսադրույքով՝ 0.1%, եթե պայմանագրով այլ բան նախատեսված չէ:
2. Եթե ավանդատուն լուծում է արտարժույթային ժամկետային ավանդի պայմանագիրը՝ անմիջապես նույն պայմաններով ՀՀ դրամով ժամկետային ավանդի պայմանագիր կնքելու պայմանով, ապա տոկոսների վերահաշվարկ չի կատարվում:

**Վեճերի և տարաձայնությունների լուծման կարգ**

Հաճախորդի և Բանկի միջև ծագած ցանկացած վեճ և տարաձայնություն նախ և առաջ լուծվում է երկուստեք՝ փոխադարձ բանակցությունների միջոցով, իսկ համաձայնության չգալու դեպքում՝ ՀՀ օրենսդրությամբ սահմանված ինչպես դատական կարգով, այնպես էլ Ֆինանսական համակարգի հաշտարարի միջոցով (ֆիզիկական անձանց դեպքում):

**Քաղվածքների և տեղեկանքների տրամադրման սակագներ**

<b>Քաղվածքների տրամադրում առձեռն՝ Բանկի տարածքում (ներառյալ ԱԱՀ)</b>	
<b>Ֆիզիկական անձանց համար</b>	ՀՀ օրենսդրությամբ սահմանված պարբերականությամբ մեկ անգամ՝ 0 ՀՀ դրամ ՀՀ օրենսդրությամբ սահմանված պարբերականությունից բացի հավելյալ քաղվածքի տրամադրում՝ մինչև 3 տարի վաղեմության՝ 1,000 ՀՀ դրամ 3 տարի և ավելի վաղեմության (Բանկում պահպանված լինելու դեպքում)՝ 3,000 ՀՀ դրամ
<b>Իրավաբանական անձանց համար</b>	Մեկ անգամ (անկախ պարբերականությունից)՝ 0 ՀՀ դրամ Կրկնօրինակի դեպքում՝ Մինչև 1 ամիս վաղեմության՝ 1,800 ՀՀ դրամ 2 ամսից մինչև 1 տարի վաղեմության՝ 3,000 ՀՀ դրամ 1 տարուց մինչև 5 տարի վաղեմության՝ 12,000 ՀՀ դրամ 5 տարի և ավելի վաղեմության՝ 24,000 ՀՀ դրամ*
	*Բանկում պահպանված լինելու դեպքում

<b>Տարբեր հաստատություններ ներկայացնելու համար տեղեկանքներ (ներառյալ ԱԱՀ)</b>	
<b>Մինչև մեկ ամսվա ընթացքում բացված ավանդների դեպքում</b>	5,000 ՀՀ դրամ
<b>Մեկ ամսից ավելի բացված ավանդների դեպքում</b>	3,000 ՀՀ դրամ

<b>Փաստաթղթերի, գործարքի կատարման հիմքերի և այլ տեղեկատվության պատճեններ (ներառյալ ԱԱՀ)</b>	
<b>Մինչև 1 ամիս վաղեմություն ունեցող</b>	1,800 ՀՀ դրամ յուրաքանչյուր փաստաթղթի համար
<b>Մինչև 1 տարի վաղեմություն ունեցող</b>	3,000 ՀՀ դրամ յուրաքանչյուր փաստաթղթի համար
<b>Մեկ տարուց ավելի վաղեմություն ունեցող</b>	12,000 ՀՀ դրամ յուրաքանչյուր փաստաթղթի համար

<b>Քաղվածքի առաքում փոստով (ներառյալ ԱԱՀ)</b>	
<b>Ներհանրապետական և ԼՂՀ</b>	Ֆիզիկական անձանց՝ 0 ՀՀ դրամ Իրավաբանական անձանց՝ 500 ՀՀ դրամ
<b>Միջազգային</b>	Օրենքով և պայմանագրով սահմանված լինելու դեպքում՝ առաքման ծառայությունը մատուցող կազմակերպության սահմանած սակագին Այլ դեպքերում՝ առաքման ծառայությունը մատուցող կազմակերպության սահմանած սակագին + 1,500 ՀՀ դրամ

**Քաղվածքի առաքում պատվիրակված առաքման ծառայության միջոցով (ներառյալ ԱԱՀ)**

<b>Ներհանրապետական և ԼՂՀ</b>	3,000 ՀՀ դրամ
<b>Միջազգային</b>	Առաքման ծառայությունը մատուցող կազմակերպության սահմանած սակագին + 3,000 ՀՀ դրամ

**Ծանուցում ավանդների հատուցման երաշխավորման պայմանների և կարգի մասին**

Ձեր ավանդի հատուցման երաշխավորողն է Ավանդների հատուցումը երաշխավորող հիմնադրամը (այսուհետև՝ Հիմնադրամ):

<b>Ավանդի արժութային կառուցվածքը</b>		<b>Ավանդի երաշխավորման առավելագույն չափը</b>
Եթե նույն բանկում ունեք միայն դրամային ավանդ		10 միլիոն ՀՀ դրամ
Եթե նույն բանկում ունեք միայն արտարժութային ավանդ		5 միլիոն ՀՀ դրամ
Եթե նույն բանկում ունեք և ՀՀ դրամով, և արտարժութով ավանդ	Եթե դրամային ավանդը 5 միլիոն դրամից ավելի է	10 միլիոն ՀՀ դրամ (երաշխավորվում է միայն դրամային ավանդը)
	Եթե դրամային ավանդը 5 միլիոն դրամից պակաս է	5 միլիոն ՀՀ դրամ (երաշխավորվում է դրամային ավանդն ամբողջությամբ և արտարժութային ավանդը՝ 5 միլիոն դրամի և հատուցման ենթակա դրամային ավանդի տարբերության չափով)

**Հիմնադրամի գտնվելու վայրը՝ ք. Երևան, Վ. Սարգսյան 6**

**Հեռախոս՝ (+37410) 58-35-14, (+37410) 59-26-64**

**Ծանուցում Ֆինանսական համակարգի հաշտարարի վերաբերյալ**

Տեղեկացնում ենք, որ «Ֆինանսական համակարգի հաշտարարի մասին» ՀՀ օրենքի համաձայն՝ «Կոնվերս Բանկ» ՓԲԸ կողմից Ձեզ մատուցվող ծառայությունների հետ կապված տասը միլիոն ՀՀ դրամը կամ դրան համարժեք արտարժույթով գումարը չգերազանցող գույքային պահանջի դեպքում ծագած վեճերն ու տարաձայնությունները կարող են լուծվել Ֆինանսական համակարգի հաշտարարի միջոցով:

Բանկի և Ֆինանսական համակարգի հաշտարարի գրասենյակի միջև կնքված համաձայնագրի համաձայն՝ Բանկը հրաժարվում է Ֆինանսական համակարգի հաշտարարի որոշումները վիճարկելու իրավունքից միայն այն գույքային պահանջների մասով, որոնց չափը չի գերազանցում 250,000 (երկու հարյուր հիսուն հազար) ՀՀ դրամը կամ դրան համարժեք արտարժույթը, իսկ գործարքի գումարի չափը չի գերազանցում 500,000 (հինգ հարյուր հազար) ՀՀ դրամը կամ դրան համարժեք արտարժույթը:

**Հասցե՝ 0010 ք. Երևան, Մ. Խորենացու փող. 15, «Էլիտ Պլազա» բիզնես կենտրոն 7-րդ հարկ**

**Էլ. փոստ՝ [info@fsm.am](mailto:info@fsm.am)**

**Հեռախոս՝ (+37460) 70-11-11**

**Ֆաքս՝ (+37410) 58-24-21**